


مکتبہ عربیہ اسلامیہ

۱۸ نجی سنہ

غرمہ شعبان ۱۳۱۵

جزو، عدد : ۷۵



بر محكومك روزنامه‌سی

(مابعد عن جزؤ ۷۵)

۴ تشرین ثانی .

دؤن آووقاتم یانمده ایدی . پك سویمسز بر آدم . البته بؤ سوزمدن طولانی
 بنی عفو ایدر . بؤ آدمه قارشى بن نصل محبت پیدا ایدیم — اوده اقراده حاضر
 ایدی . ذاتاً کنديسی ده بنی اختیاری اۆله رق اۆلدیرن . اۆلدیره جك اۆلان ماکنیه
 منسوب . آنك بر جزؤی دكلی؟ — بۆله شیلر بؤ آدملاڭ یاننده ایشدن . وظیفه دن
 معدود — اوغلز ماقسی غائب ایستدیگمز زمان ییلورمیسك خسته نك باشی اۆچنده
 دوقتور جنابلری نؤقدر جدی و خسته دن قطع امید ایلدیگنی سويلكله برابر . نؤقدر
 متأسف و متأثر ایدی . فقط خانه سینه عودت ایلدیگی زمان شن و شاطر ایدی .
 اوقاشام تیاتروییه بيله کیتدی . ماقس اۆلور اۆلمز همان حساب یوصله سنی گوندردی .
 — هپسی ایش . صنعت . — آمان یاربى نه غریب ایشلر ! انسان کندوسی متأثر
 اۆلمی یوقسه دیگرلری منفعت شخصیه نی « تأثر » شکلنده برونلرینك اوزرینه رسم
 ایدبورلر ! بونلر پاره ایله طوتولمش قومدیا جیلردرکه ایجاب حاله گوره چهره لرینی
 تلوین ایتسه لر آچلقدن اۆلورلر . ایشته بؤ شایان مرحمت آدمده بن معدوم اۆلدیغم
 زمان کمال ذوق و صفا ایله یاشایه جق . بؤ آدم ایله برابر بنده قومدیا اوینامه مجبورم ؛
 زیرا استیناف ایدره ك محاکمه می تکرار رؤیت ایستیره جگنی بگا وعد ایستدی ؛ اصول
 محاکمه ده بر یولسزلق کشف ایتمش . آنك تکرار رؤیتى تجربه ایده جك . بونلره
 بنی تسلی ایتك استیوردی . سسمی چیقارمدم . سويلندی طوردی . معاینه ،
 تکرار محاکمه الله بیلور نه قدر اوزایه جق و بنی یهوده یره عذاب و اضطراب الیم ایچنده

براقه جق . عجبا بونجه خوارق وجوده كترین طبیعت بزى نه ایچون حیوانیتدن نشوونما بولدیرمزق انسانیته نقل ایلدی . عجبا نه ایچون بشقه لرینك اعماق حسساتنه دخول ایدمه یلك امکانی بزدن نزع ایتدی . آلام و مصائب آخره حصه دار اولق مسئله سی نه غریب بر کیسه اویونق در ! خارجاً لمس ایتمكدن عبارت - ایچ یوزینه وقوف اصلا . مثلاً بنم حسباتم ایله مدافعتك حسباتی آره سنده کی فرق عظیمه قارشو حضرت آدم زمانندن اعتباراً تاریخ عالم نهدر ؟ بر کوچك محله بنم یاغده اوتوردیغی ، تنفس ایلدیگم هوایی تنفس ایلدیگی ، فکر لر من عین مسئله ایله مشغول بولندیغی حالده ینه بدن بعد کوب قدر اوزاق بولنیور . بر ذی حیات ایله اوله جگنی حس ایلان بر زنده میتك آره سنده کی فرق . بعد شمس قدر اوزاق ! - اگر بۇ حسیات متقابله و تعبیر آخرله یکدیگرك حسساتنه وقوف عطیه سی انسانلره ویرلمش اولسه ایلدی . انسانیت نه مدھش سفالتلردن بری بولنوردی . - محاکمه نك تکرار رؤیت ایللمسینه ذاتاً اعتماد ایتیورم یا . فقط بعض آن لر اولسورکه اعتماد ایتمكدن ده نفسی آلیقوبه میورم . کره ارض اوزرنده نه قدر تصادف (قضا) وارسه هپسی عوارض خارجیه یه تابع ، بنی اوفعل جنایته سوق ایدن ده تصادف دیکلی ایدی که ، شمعی جزامی چکیورم . بونك گبی بر طریق تصادف بلکه بنی او عاقبت مدھشه دن خلاص ایلر . - آرزو ایتمه مده آنی یاغلیم ، بۇ قرعه اویوننده طالعی تجربه ایتلیم . شمعیکی حالده بن او قرعه اویونجیلر ندنم که ، هیچ غائب ایتك احتمال یوق ، قازانیرسم نه اعلا .

عجبا قازانق ممکن اولمازمی ؟ اگر حس و عقل ایله ساکنانه بنم جنایتیم ، نه ایچون یاپدیغم ملاحظه ایلدش اولسه شه سز جزامك تعدیلی جهته گیدیلور . ظن ایدرم که بن بونی دائماً دوشوندم ، بویوک افندیلر بنی نظر مطالعه یه آلیقورلر ، سفالتی ، اضطراباتی ، شخصی دوشونمقورلر ؛ بالعکس بونلر کله بنی ، قانونی دوشونمقورلر . اوله ظن ایدیورم که ، بونلر یا بر سطرانج مسئله سی ویا کله ممانسی حل ایتك ایچون اورداده اجتماع ایتشلر . حرقلری ، کله لری اورتیه دوکدرك اخذ و اعطاده بولنیورلر . بنم حقمده نه اولسور هیچ قاله آلیقورلر . بو اصول محاکمه یی دوشوندکجه حدم

غلیان ایدبور . بیلیم که بو حاکم افندیلرک بزه ، همنوعلرینه دأر مذاکره ایللری
اظهار عدالت ایلک ایچونغیدر . یوقسه کشت وگزار ایلدیگی یرلرده طغارجغنی ازهار
ذی حیات ایله طولیدردقن صکره خانه سنه عودتنده چیچکلری میدانده دوکوب (اینه)
سیستمک هانگی صنفنه منسوب اولدقلرینی آکلامق ایچون عضو تذکیرلرینی
صایان و فقط چیچکی . آنک رایحه سنی ، رنگنی ، تکمیل موجودیتی قاله آلیان علم -
نباتات علماسی کی حرکت ایلک ایچونغی ؟ - فقط الله عشقنه اولسون ! انسانلر
حقنדה بویولده . معامله بنم فعلدن دهاییوک بر جنایت دکلیدر ؟ بز یردن چیقان
مانطار ویا گلجک چیچکی اولدیغیز کی ، حاکم لرده چیچکلره قارشی بر مرتبه عالیده
بولنان علملر قدر بزدن بالا دکلیدر . همیزده انسانز ، بریسی جمعیتدن مجازاته
مأمور ، دیگری - نه قدر فنا اولسده - قباح ایشلرکه محکوم . شهسز جمعیتک
جانیلرلهده کورده جک ایشی اولور . مادام که جانی نک موجودیتی اولج نظر مطالعیده
آلدرق قانونلرده جزا تعین اولنور احوالده آنک موجودیتینک لزومی تصدیق
ایدلک مقتضی اولور و بو لزوم احتمالکه مستقبلده وصولی میسر اوله جق حال
و مرتبهده سائر امثالی ایله برابر ساقط اولور . جمله مزده انسانز ، هرشیدن اول
بر بر مزی آکلامنی اوگر نمی یز . بن نصل بو آجی ، مدهش فلاکتی ادراک ایلدور سه ،
بنم فوقده یشیل قوتقلرده وقار متعظمانه ایله حقمده اعطای حکم ایدن حکامده
کندیلرینک همنوعی اوله رق حضور لرنده اثبات وجود ایلدیگی و نحوست طالعت
نی بو طرفده بولندیردیغنی ادراک ایللری لازمدر . ذاتاً بومدهش محاکمه نک جریانی
انساننده بشقه برشی طلب ایتمیورم . شخص صورتنده اثبات وجود ایتک استیورم . انسنه ،
شی ، ماده اوله رق دکل . - احتمالکه رؤیت دعوی قبول اولنور ، اوزمان بونلرک
کافه سنی آنلره سویلرم . خیزلی اوله رق ، باغره باغره ، حاکم لرک فوقده آنلری محاکمه
ایده جک بر هیئت عدول کی سویلیه جگم . او یله باغره جگم که ، طاش کسایش هیکل شکافی
آلمش اولان وجودلری انتباهه گلدرک والهانه یورغون کوزلرینی اوغوشدیر مغه باشلایه جقلر .
آه ماری ! اگر قدر بنی شمعدی بولندیغم حاله القا ایتسه یدی ، بنی بر بشقه بن
یایمسه ایدی ، احوال جهانی اصلاح ایتک آرزوسنده بولنوردم .

تکرار رؤیت دعوا استدعاسی گیتدی . بؤڭا امیدوارم . مدافع اولان بؤ
 سویمسز حریف بڭا جسارت القا ایلدی . نه قدر سفیل اولدینغی تکرار کور بیورم .
 شخصندن متفق اولدیغ بؤ آدمك ترتیباً سنه تابع اولمغه مجبورم . اعظمی اوله رق
 آلتی هفته ظرفنده قرار قطعی تعیین ایدمك . آلتی هفته ! شو آنه قدر یشادیغ
 اوتوز سنه مدت بؤ آلتی هفته به نسبتله بڭا بر ساعت کجی گلیور ، احتمالکده حیاتك
 اڭ قیمتدار هفته لری در . ای انسان ! برخالفک یارتدیغی فوق العاده بر ماده اوله نك
 نه فائده سی وار !

آلتی هفته شمس امید ایله اوقشانغش بر جسد . قدید اوله رق شو بش
 ذراع طولنده کی خدمتضیقده طولاشیم و بؤنکله برابر اولمك حقنه مالک اوله میهم .
 بزده موجود اولان الجا آتک (قوای سائقه نك) اڭ فضله سی اولان و بؤنکله برابر
 یشامنی امر و طلب ایدن بؤ مناسبسز سائقه نك ، ولو بؤ خصوصده کی امید نه قدر
 آز اولور سه اولسون . بسبتون محو اولمسنه قدر بکله مک مجبوریتده بولنق پک
 یمان دکلی ؟ — خصوصیه تقریب و انعدامنی مشاهده ایدیورم . دهشت ظلمت انگیز
 کجی سیم سیاه اوله جق . آندن صکره قیومی اؤردق بڭا دیه جک که : « ای جانلی
 جنازه . ای قدید ! یارین . یارین بؤ قدید عالمته لایق اولان صوڭک مشاطی اجرا
 ایت . بز . بز حکومت . بز انسانیت بؤیله آرزو ایدیؤرز . سن تبعیته مجبورسک . »
 بؤنکله برابر . حکومت و انسانیت بنده نه اولوب یتدیگندن بیخبر . کاغد
 ایله مرکب مستقلانه اجرای تأثیر ایلپور و نوگونج ماکنه بنی اعدام ایلپور ! کاغد
 ایله مرکب بنی اولدیره جک و حاضر بولنان انسانلر ایسه یالکڑ حالی تنویر و ایضاح
 ایلان بؤ بیروح کاغد و مرکبک ناقلی اوله جن . و حاضر اوله جقلرک کافه سی بونک
 ایله هیچ بر مناسبات و معاملاتده بولنغی آرزو ایتیه جک . هر کس بن معصوم سوزنی
 وردزبان ایله تخلیص نفس ایتدم فیکرنده بولمه جق و کاغدا ایله مرکب بنی اولدیره جک !
 شی بیروح ، قدرت ذی حیات !
 ماری ! اگر بن حجره مضیق ایچنده اضطرابی ساعتلریمی ، بونلرک فصل

گلدیگئی . نہ ایچون اوقول منخوسہ جرأت ایلدیگمی تفکر ایلرایسہم ماری بواضطراریم
ایچندہ بر تسلی پیدا اولیورده بادی انشراح وجدانم اولیور :
بنم قربانم ، ماری بنم قربانم هیچ اولمزسہ بگا نسبتہ برانسان گبی ترک حیات ایلدی .
مع مافیہ بنده برانسان بولنمش اولدیغم حالده عاقبت مدهشہ فلاکتہ قارشو شاهقہ جبل
گبی متعالی بولنیورم .

۹ تشرین ثانی .

بن سنک ، بنم وهرکسک قارشوسنده ادعای معصومیت ایدہ بیله جک بر درکہ .
عوام پسندانہیہ تنزل ایدم . معصوم دکم . ایلک گونسدن اعتبار اقومیسر جنابلری
حجرہ عذابہ داخل اولهرق الی اوموزیمہ قویوب « سن بر جانی سنک ! » دیدیگی
زمان ہبسنی اعتراف ایلدم ! . انکارہ تصدی ایتک بر آن بیله خاطرمدن یکمدی .
آنک سوزیمہ مقابل بر « اوت » دن بشقہ برشی سولدم . بنم ایچون حل مسئلہدن
بشقہ برشی دگلدی . بن ایکی کون متعادیاً جنایتی اجرا ایلدیگم محلہ بولنہرق
ازالہ اندیشہ ایچون تمام بوز یگر می سیغارہ ایچدم وایکی کون اورادہ قومیسرک
عاقبت بگا گلوب سولدیگئی سولسی ایچون ورودینہ انتظار ایلدم . خوف اغفال
خاطریمہ بیله گلدی . فراری ، آلتامینی دوشوندم . موقع جنایتدہ ثابتقدم اولهرق
سردمطالعات وادعائہ بولندیغم ایچون حقمده شہیہ دوشہ جکلرینی بیلورم . اوت
ماری بن مجرمیتی بیلورم . فقط بونک آکلاشیلہسنی استیورم . بوایسہ انسانلر
طرفدن اعدامہ حکم ایدیلاں بر شخصک طلب ایدہ بیله جگی شیلرک اٹ کوچی در .
بن اصلاً صنعة قاتل دکم . میلاً طبیعہ جانی دکم . بر بشقہ سنہ فصل بر بیوک
قرعہ اصابت ایدرسہ بنم حصہ مہدہ بوجنایت دوشدی . بن چکیچی المہ آلوب آنی
یروح ایلہ جگم زمان اوجمع و ترکیبات ایلہ مشغول بولنیوردی ؛ چونکہ بومدہش
آندہ بشقہ بر چارہ حل تصور ایدہ میورم . بر بشقہ آندہ احتمالکہ بوفعلی اجرا
ایتمزد ؛ احتمالکہ بر دقیقہ صکرہ ہیچانم مبدل سکون اولهرق ہرشیئی اعتراف
ایلردم ، اودہ بنی صالورردی . شمدی بویلہ بر نعش اولمز ایدم . احتمالکہ بندن
دعوی ایدردی . ایکی سنہ حبس جزاسنی چکدکن صکرہ انسانلر آرمسندہ ینہ

بر انسان بولنورددم . فقط اوق فعلی اجرا ایتدیگم آن بنم ایچون بشقه بر طریق
 نجات یوقدی . خوف ، احمقجه سنه بر خوف . تلاش و هیجان بنی استیلا ایتمش
 ایدی ، کندی کندیه صاحب دکلدم . گویا قباحتی بونکله محو ایده جکشمم کی
 اورددم . ماری ، اگر بوفعلی لایقيله تفکر ایتسeler ، نجسس ایتسeler ، آکلامق
 زحمتی اختیار ایتسelerدی حقمده اصلا بویله شدتلی بر حکم ویرمزلدی . اصلا !
 ماری . سن بؤ حاکمردن دهایی بیلیورسك . استنطاق اولندیگك زمان آنلره
 سویلديك . نقطه ادراکه وصوللری ایچون کوبریده قوردك . آنلرده آکلايه سلیلی
 ایدیلر . فقط هیچ بر فاندیهی اولمادی . کوپریی دوشونمیدیلر ، انسانی قاله
 آلدیلر . قانی نظر مطالعهیه آلدیلر ، جهان ایچون غریب اولان عالملرك ایشمنلرك
 زمانلرنده اوتورقوب فکر جدول وپرکاری ایله معاملات گذران حیات حقنده جهان
 ایچون یازمش اولدقلری غریب بر کتابك ماده لرینه مراجعت ایدیلر . بن اعدام
 ایديله جك بر جانی مییم ؟ بن توبه وشدتلی زجر نفسدن صکره عفو ایديله جك .
 اصلاح احوال ایديله بيله جك بر گناهگار دکلیم ؟ سن آنلره بیسه جگمز اولمديغنی ،
 دردنجی قانده بولان تام طاقر اقامتگاهمزه هرشیدن محروم اوله رق محنت وسفالت
 ایله ایچنده بولنديغیزی سویلديك . واقعا بن سرعت ایدیورددم . فقط آچ بر حیوان
 نصل یایارسه اویله یاییورددم . بن آنی خفراهلاکه غلطان اولمسنه قیل قدر مسافه
 قالمش بر امیدسنرگی یاییورددم . اولیاتتی سن بیلیورسك : آی نهایتده اله کچن
 بر قاچ مازقی اوطنه گیراسنه ، اتمکچییه ، قصابه ویردکدن صکره آوقجمزده ینه هیچ
 بر شی قالمیوردی . ینه اوقه کینك بریکنك تمسخرکارانه قبول ایلدکاری استقراضه
 مراجعت مجبوریتده بولنیوردق . اکثریتده واقع اولدینی اوزره بؤ لطفی ده دریغ
 ایلدکاری زمان آچ قالیوردق ، آچ آچنه یتاغه گیرییوردق . ماری ! اگر آنلرك
 کافهسی بکا قارشو سکا نفرت القا ایتسeler ایدی بنم جنایتی آکلايه سیلردك . مع مافیه
 بردفعه اولسون ینه آکلايه جقسك . سرعت مجبورايدم . کوزومك وکننده حدندن
 زیاده کثرتی کورییورددم ، هرگون المدن قابدیرییورایدم . نصل بر لطفانه بر یردن
 بشقه یره قوندیغنی کورییورددم . لطیف صدالی آچنه ك (مانیوه لا) سنی هر درلو

موانع و مخاطراتی بر طرف . هر در لو تلال و عارضاتی تسلط و تسویه ایلرسه انسان
 تولق پک قولایدر . بن ایسه تهی دست اوله رق جبالق ماصیه . تام طاقر او طهیه .
 ایصسر . متعفن . ایچنده کی رایحه مذلت و سفالتی پک اوزاقلردن استشمام ایدیلان
 خانهیه عودت ایدیورایدم . - پک اعلا . ایشته بونک ایچون سرقت ایدیوردم . -
 دارالفنون در سخا نه لرنده علم اخلاق تحصیل ایتدیگمک نه فائده سی اولور ؟ اخلاقه
 دائر بالذات کتاب تألیف ایتمکک نهیه یارار ؟ بن پک متانتسر ایدم . - طلبه
 اوله رق مجادله حیاتده بولمق . تحصیل اکیال ایتک ایچون متانتسر ایدم . اخلاق
 و عاداته دائر افکار و مطالعاتی آج اولان وجودیه تطبیق . تجربه ایده بیله جک قدر
 متانتلی دگل ایدم . بؤگون نصل سرقت ایلورسم یارین ده اوبله سرقت ایده جکدم .
 ظن ایدیوردم که . سرقم کشف ایدلیه جک . بر دفعه طالع یاور اولورده زیاده جه
 یاره قازانورسم آنلرک هپسنی اعاده ایدرم . سرقتلر مه استدانه واستقراض نظریله
 باقیوردم . استدانه جبری . بر طررفی مقاوله ایله که . ینه بر طررفی اوله رق آنی تسویه
 و احیا ایده جک ایدم . ایشته بؤ یولده آیلر گذران ایدی . عاقبت بر کون گلدی که
 آنک ایچون بر پاکت کاغذ نقصان ایدی . بن ماصه نك باشند طوره رق آنی تماشا
 ایدیوردم . یازنخانه سینک اؤکنه اؤتوره رق تحریری ایلوروردی . شمعی اوراده
 بشقه بر شیء کشف ایده جگنی بیلیوردم . یازنخانه نك کوزینه مجوهرات وضع
 ایلش ایدی که . بن اولجه آنلری آلهرق ره نه ویرمش ایدم . حایقیردیغنی ایشید بیوردم .
 بگا حایقیر بیورددی . بن ایشیتامزلکه گلدم . ایشته اصل سبب مصیبتم بؤدر . بونکله
 برابر یانجار کبی قبر مزی کسیشم . ایشته بؤ قمرز یلق بنم جاسوسم اولدی .
 اوانیه ده باشمده نلر طولاشدیغنه واقف دکم ؛ پنجره آجیق ایدی . کنیدی آشاغی
 آتمق ایچون اورایه شتاب ایتدم . عمقک زیاده لگی بنی نه هیش ایتدی . ایشته
 بونی بیلیورم . بر کون اول عمللرک اوراده بر اقبش اولدقلری بر بیسوک چکچ
 کوزیمه ایلشیدی . یازنخانه ده تحریری به دوام ایدیورددی . احواله انتقال ایلورددی .
 یالکڑ بر ثانیه . احتمالکه ده آاز بر زمانده - یابه جمعی یاپدم - یازنخانه دن آل بیلدیگم
 قدر آلدیم . طیشاری به . موقع جنایتدن پک اوزاق بر محله . بشقه بر عالمه گیتمک

فكريله طيشارى يه فرلادم . اوكله طعامى ايجون يانكه گلديكم زمان سن هيچ بر شى حس ايدم مدك . تلاش و هيجاندى بنده اثر يوقدى . ايشته بۇ حال بنى اغفال و تقويه ايلدى . قالمق فكرينه دوشدم . بوراده قالغه . احواللك اونودوله جفته و هيچ بر كيمسەنك بندن شېه ايتمه جگنه قرار و يردم . قالم . - پارملرى مخزنه صاقلادم و سەنك سكوتنكه باقەرق بنده مستريح و سكوتياب اولدم . بونك اوزرينه قالمدم يازيخانەه كيتدم . سكوت و متانت ايجنده تكرار اثبات وجود ايدم . بيلكلكم هر درلو شېه بنى اوزرمدن رفع ايلر ظنننده بولندم . بنده محل جانيته اك اول داخل اولمق و بوجھتله كاشف روقلى اجرا ايتك قورقوسندن بشقه بر اندیشه يوق ايدى . بلانمى هان ترتيب ايتدم . اويناييله جق روقلى بك ماهرانه اجرا ايدم . بيله جگمى و حتى يولده بالذات كنديمى بيله اغفالە مقتدر اوله جفنى ظن ايليوردم . اوزاقدن خانەنك لوگنده انسان غلبەلگىنى كورديكم زمان بك ساكن و مستريح ايدم . بيوك بر انسان غلبەلگى . كشف اولمخ ايدى . مدهش روقل اجرا سندن قورتولمخ ايدم . متباقيسى اعتدالدم ايله اجرا ايليوردم . بۇ قومديانك اجرا سە بنى سوق ايدن محافظە حيات مسئلەسى اولديغى جھتله بوندن حجاب ايتيورم . اويونمى ماهرانه ، اؤستادانه اوينايور ايدم . سن بيلور سەك يا بۇ اويونى تمام ايكي گون اجرا ايلدم . بشمده طولاشان شيلره فرد آفريده واقف دكل ايدى . ايكنجى كونك اقشامى قوميسر جنابلىرى حل مسئلە ايدن كلهينى سويلديكى زمان بر آرهلق كنديسە تشكر ايتك آرزوسە دوشدم . اگر مرتبە قصواى كالانە ايرمش بر جمعيت ايجنده يشامش اولسەق و بۇ حركتمدن طولاي بنى ، بر جانى دكل . بر كناهاگار كچى تلقى ايدە . جكارندن امين بولنسە ايدم قوميسرە تشكر ايلرايدم . اويله متناسب بر كناهاگارلە شجري سوعه سوينان چو جقار كچى سوينورايدم . فقط بنى احاطه ايدە جك اولان عذاب و اضطرابه منتظر بولنديم ايجون تشكر ايتكە مقتدر دكل ايدم . تعقيب ايدە جگم طريقك كناهاگارلە دكل اشكنجهيه . جمعيت مدنیه نك اخلاق و عاداتە قربان كيدنلره مخصوص اولان عصر حاضر اشكنجهسە جيقه جفنى بيليوردم .

مارى ، سن بيليور سەك يا ، بن فنا بر انسانمى ايدم ؟ بويله دهشتلى جزايە

چار بیله جق بر جانی می ایدم؟ اوت بن بر قاتل ایدم، فقط مسئله یی در بن تدقیق ایدك، لایق بیه گوروك، انسانی قاتل اولمغه بسوق ایدن سائقه نك نه اولدیغنی آكلايك . قاتل ايله قاتل آره سنده بیوك فرق وار . بنم آنك ايله اجرا ایستدیگم شیئی مدھش بر (دونه للاق) دن، همده بر فکر بخیله دكل بر آن حقیقی یه مستند ادونه للاق ادن بشقه بر شیمیدر؟ اویله بر آنكه فرد آفریده آكگا قارشو مقاومت ابرازینه مقتدر دكلدر . حیات ايله محادلات مایوسانه ونومیدانه اجرا سنده خطا و قصور ایتمه جك قهرمان متصور دكلدر . بن هر سقوط ایدن اولدی رملی دیمك ایسته میورم . بن دیمك ایسته میورم كه سقوط ایده جك قدر دوچار ضعف اولان هر فرد اوچورؤم گلدیگی زمان یو وار لانور . حیات اوژون بر یولدر . فقط اوزری چتو ايله تسویه اولغمش بر طریق هموار دكل یارلری ، بایرلری ، دره لری حاوی بر یولدر كه ، هر كسك اوگنه اوچورؤم چیقیمی اغلب احتمالدر . اگر برینك اوگنه چیقمازسه بریله مسعودده طوغمش دیمكدر . فقط قسم اعظمك اوگنه بریکی ویا اوتیه کی شكلده اوله رق چیقار . بگا بؤ شكلده چیقدی . احتیاج قوّه طبیعت و متانمه غلبه چالدى ، اجراسی ممنوع اولان بر شیئی یایدم ؛ بن بؤ سفالت و مذلت ایچنده ییگی بر قانون اخلاق بولدم كه ، او بگا « سنده موجود اولدیغنی زمان دیگر لرینك فضلہ سنی آلمغه مأذونسك » دیوردی . اساساً بن سارق دكل ایدم . اگر سارق اولسه ایدم آنی اولدی بر مز ایدم . نفسی بشقه درلو تخلص ایلردم . فقط كشف اولنه جق دیه خوف و اندیشه و تلاش ایچنده عقلی ، مهارت سارقانه می غائب ایتش ایدم كه بوده صنعتك سرقت اولدیغنی اثبات ایدر ؛ او آنده جهانی غائب اولسور گوریوردم ، پیش چشمده بر هرج و مرج عمومی و ظلمت پیدا اولدی كه ، بؤ حال دهشت و خطر ناكك مسببی او اولدیغنی گوریورد و ظن ایدیوردم . - خیر بن ظن ایتمیوردم ، او ظن بنده حکمران ایدی . - بن بؤ قبو سایه سنده ینه او غتشاشات دوزخیانه ایچندن چیقهرق ضیا و هوا آلمغه مقتدر ایدم . اگر بن محتق اوله درجه سنده گلش اولسه ایدم ، نصف میت حالنده بنی خسته خانه یه نقل ایلسه لر ایدی یسه بویله یایار ایدم ؛ تنفس ایده یلك ایچون یسه قوّه جبریّه ايله هوا یه طوغری صالدرردم . بشقه درلوسی وارمی؟ فقط ایچنده

بولنديغم بۇ حال غفلت و سهو شيدن بيدار اولديغم زمان بايديغى آكلادم . تاثيرى ميدانده ياتيوردي . — فقط آقدى سرعتيله جريان ايدن و دهشتلى طالعيله طوتيلان بۇ فورطنلى حياته قارشى قانونك نصل شدتلى طاورانديغى آكلاديغم زمان پك كچ ايدى ، ايش ايشدن كچمىش ايدى .

انسانلر بۇ بيرحانه (مقتل) ايله نصل بر احتياج كوبرنجكى وجوده كتيب مشلر ، اكر بر دفعه اوزرندن بر طالع كچهك اقلورسه بيقيلور و بر قوتغير مرسه ايله قرباجلانجى اقلورسه بۇ آغاج اسكله هر نه طرفدن اقلورسه اقلسون قيريلور . فقط كوبرى ضعيف ، متانسز اولديغى ايچون طالعيني قرباجلامق لازم گيلور . بر بيوك بند انشا ايدك ، طالعيلر چاربه رق كنديلرى قيرلسونلر ، قانون جمعيتى جسيم كسمه قبالر ايله انشا ايتكه نهر حيات تسويه و تنظيم ايدلمش اقلسون !

مارى . بن قاتل دكلم . اكر بۇ دهشتلى ماكنه بر كون باشمك اوزرنده آچيلوب قبانهرق بنى محو آبادنا بودى يه ايصال ايلرسه بر جوق سسئلر دها ايچنده بولنه جفك جمعيت ذى حيات آردسنده بنم بر جانى اولمديغم فكلر و اعتماد متسليسندن امين اول و هيچ اولزسه قلباً سن بنم برائمه حكم ايت .

۱۴ تشرى ثانى .

ايكى هفتهك بر مدت . ماضى يه انتقال ايتدى . بن ايسه حالا ايكى هفته دنبرو ، ذبح ايدلمگه تخصيص ايدلمش بر حيوان كچى . بر ميت اوله رق بوراده بولتيورم . باغره رق قصابخانهي نشئه بردازانه كيدن و بونكله برار ساطور قضا بيونسه تماس ايدنجه يه قدر نه اوله جفندن بخبر اولان بر اوكوز نه قدر بختباردر . اكر بريسى بر كون اولوبده احتياجات حياتيه دائر فلسفه بردازلقده بولمق ايسترسه ، بر كون اولوبده حقايق اخيره يي كشفه موفق اولورسه بۇ آدمك مطلق بۇ غريب چارداغك بالاسندن آشاغى يه طوغرى گذران حياتى تماشا ايدن و اعدام جزاسنه محكوم اولان بر متفكر اولمى لازم گيلور . انسان نصل شايدان مرحت بر مخلوقدر . خالق كاستانه كندينه مشابه اولمق اوزره انسانلرى خلق ايتدى ديمك الوهيتى تحقير دكيدر .

شعاعات شمس معروض اولان بر حیوان ، بر یایراق نه قدر بختیارددر . اگر بردست .
وحشت آنی آغاچندن تقریق ایده چك اولورسه دهامسموددر .

۱۵ تشرین ثانی .

حقیقت حالده هیچ دوشونمك آرزو ایتمدیگم و فقط تکرار رؤیت دعوادن طولانی
ینه امیدوار اولدیغم او اضطرابی زمان کبی بنم ایچسون هر کون اضطراب افزای
وجدان اولان ایکی مدهش آن وارکه ثقلت مالایطاقی آلتنده ازیلیورم ! بئلكمندن
بر قسمك امیدوار اولغه باشلادیغی آندن اعتباراً قسم دیگرینك میال اضمحلال
اولیشی بر فال مصیبت دگلی . امید بر علامت مصیبتدر .

طرز حیاتمده کی او اضطراب فزا آن لردن بری هر کون کز مگه مجبور اولمقددر .

(مابعدی نسخه تالیفده)

محرری :

آلفرد هرمان فیرید

آلانجهدن مترجی :

محمد رشدی

